



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CLXXVI. Markgraf Albrecht ladet den Rath zu Spandow nach Berlin ein, um der ersten von ihm gehaltenen Messe beizuwohnen, am 21. März 1513.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CLXXV. Die Stadt Spandow bevollmächtigt gewisse Deputirte, der Kurfürstin Elisabeth Huldigung zu leisten, am 13. Juli 1508.

Der Durchlauchtigen hochgebornen Kunigin von Dennemarckenn, Elitzabeten, Marggräfin zu Brandennburg, Stetin, pommern, der Cassubenn vnd wenden Hertzogin, Burggreuin zu Nurmberg vnd furstin zu Rugenn, Entbietenn wir Burgermeister, Rathman, alt vnd neu, Richter vndt Scheppen, alterleut vnd gemeine gewerckgenossenn der gewanndschneider, Schuchmacher, knackenhauer werck vnd gulde, aldermaister vnd alle gemeine mitbruder der Schneider, kurfchner, Becker Inung vnd gulde, vnd sonnst In sampt alle Burger der Stat Spandow vnser vnderthenige gehorsame Dinft, vnd bekennen vor Irer Furflich gnadenn offentlich mit diesem vnsern offen briff, das wir Inn der bestenn weis, mas vnd gestalt, damit wir solches gehorsamlichen wie billich vnd recht thun sollenn, konten vnd mochtenn, Gekornn, geordnet vnd gemechtigt hetten, Ordenn vnd mechtiglich machenn, Inn krafft ditz briffs, Burckharttenn Markart, Peter Rudenitz, Bastian Rucken, Jacob Mertzanne, Jores Becke vnd Peter Schoder, aus dem Rath, Claus Strobannt, Hermann Doring, Jorg Wardennberg, Merttenn kerckaw, Claus Merrilligo, Peter Damitz, Andres Rapheu vnd Mattes Ruremund aus der gemain, Das sie ann vnsern Stettenn vnd Nahmen der durchlauchtigen Furfstin Elitzabet, Ehegenant, nach begern vnser gnedigstenn Herrn, Herrn Joachim Churf. vnd Marggrafen zu Brandennburg, huldung vonn der Stat Spanndow zutzulagenn vnd alles dartzu behorende fulendigenn, Inn aller massenn wir selbs alle personlich solchs furnehmenn vnd volendenn, Stracks, stet vnd vest zu haldenn, nach vorwantem gehorsam, ane arge list, Hulffrede vnd gesher. Habenn wir ehrnnaunt alle Innsampt Irenn furstl. gnaden vorbenannte thofteinde vorwilligt, Vnd zu Vrkundt disenn vnsern offenn briff, mit anhangenden der Stat Innsiegel versiegelt, Gegebenn nach Cristl vnser liebbenn Hernn gepurt tausent funffhundert vnd Im achten Jar, am tage Marggarethe virginis.

Dilfchmann's Geschichte Seite 152 u. 153 No. 31.

CLXXVI. Markgraf Albrecht ladet den Rath zu Spandow nach Berlin ein, um der ersten von ihm gehaltenen Messe beizuwohnen, am 21. März 1513.

Albrecht, von gots gnaden Marggraue zu Brandenburg, zu Stettin, pomern etc. hertzogen, Burggraue zu Norinberg etc., Vnsern grus zuorn. Lieben getrewen. Nachdem wir nach gngfamer furbetrachtung dem allmechtigen gott zu lobe vnd zu seligkeit vnser felen den geistlichen standt angenommen vnd willens sein, mit gnade vnd hieff des almechtigen vnser priisterlich Ampt zu uollbringen, Nemlich Sonabends vor dem Suntag Quasimodogeniti vnser erste vesper, vnd denselbigen Suntag vnser Erste messe zu Berlin zu singen, ist vnser gutlich Begeren, jr wollet auff angetzeigten Sonnabendt vor dem Sunntag Quasimodogeniti zeitlich alhie einkommen vnd zusampt vnsern prelaten vnd andern den vnsern vnns zu solichen vnsern Eren beystendig sein

vnd euch hieran gutwillig ertzeigen, wie wir vnns zu euch verfehen in gnaden zu erkennen. Datum Coln an der Sprew, am Montage nach Palmarum anno XV^e. XIII^o.

Vnfern lieben getrewen Burgemeistern
vnd Ratmannen vnser Stat Spandow.

Nach dem Originalo aus Fidiuin's Beitr. IV, 225.

CLXXVII. Das Kloster Zehdenick verpfändet dem Kloster Spandow Gebungen aus dem Dorfe Lindenbergh, am 6. Dezember 1515.

Wir Anna Ikendorffs Eptifin, Barbara Eckendorff prioriffin, Mathias Ebel probst vnd gantze versammlung des Jungfrawn Closters zw Zcedenick, Bekennen vnd thun kunth öffentlich mit diesem Briue vor vns, vnser nachkommen vnd sunst allermenniglich, die In sehen, horen oder lesen, das wir mit wolbedachtem muth, gutem wissen vnd Reiffem rath, auch vff vorwilligen vnd nachgeben des durchlauchtigsten hochgeborn fursten vnd hern, hern Joachims Marggrauen zu Brandenburg, des heiligen Remischen Reichs Ertzcammerer vnd churfursten, zu Stetin, Pommern, der cassuben vnd wenden hertzogen, Burggrafen zu Nuremberg vnd fursten zw Rügen, vnfers gnedigsten hern vnd landesfursten, vnd des hochwerdigen In got vaters vnd heren, herrn Jeronimuffen, Bischofs zw Brandenburg, vnfers gnedigen heren vnd geistlichen prelaten, recht vnd Redelichen auff vnser bestendigen rechten widderkauff, als widderkaufs weise vnd gewonheit ist, verkauft haben vnd verkauffen gegenwertiglich In craft vnd macht dis Briues den würdigen vnd andechtigen Ern Andresen Hoppenrade probst, Katherinen Barfft domina, Barbaran Schapelowen prioriffa vnd gantzer versamlung des Jungfrawen closters zw Spandow vnd allen Iren nachkommen Jerlicher Zins fünf Zehen gulden an Müntz vnd landeswerung In vnserm dorff zw lyndenbergh*), als nemlich auff Dames Wilkens hoff VII¹/₂ schock, auff Dames Schmes hoff ein schock, vff Jasper Hermens hoff ein schock, auff andres wegens hoff ein schock, auff Turban Stromans hoff ein schock, auff Benedictus wegens hoff ein schock, auff andres Rumplers hoff ein schock vnd vff Jacob dannewalts hoff ein schock, das alles in einer Summa fünfzehen gulden macht, die die genant probst vnd versamlung des Jungfrawenclosters zw Spandow alle Jar jerlich Daselbst zu lindenbergh*) bey den gemelten pawern auf sanct Nicolaus tag des heiligen Bischoffs vnuerhindert geistlichs oder werntlichs gerichts, hern gebot vnd verbot, auch sunst ane meinlichs Irrung oder eintrag, einzukommen haben vnd besitzen: vnd die gemelten pawern, die itzt dar sein oder künftig dahin kommen werden. Sollen Inen solich fünfzehen gulden Zins zu der Zins Zeit Jerlich vf Nicolai gen Spando In das closter bringen vnd nhu vff Nicolai schirft, so man schreibet Nach der geburt christi der mindern Zal Im Sechs Zehenden Jare, damit anfaben vnd also für vnd für, dieweil disser widderkauff stehet. Wor vnd zu welcher Zeit auch die gedachten einwohner zu lindenbergh an ausgebung der Zins Zu einem oder mehrmalen sewmig vnd nicht geben vnd verreichen würden, so geben wir dem Probst vnd gantzer versamlung zu spando vnd Iren nachkommen die gantze vnd vollkomene macht vnd gewalt, das

*) So ungleich ist der Name geschrieben.